

महादीप ज्योत्यगु दीपकथा



भाषानुबादकः-
परिडत कविराज ज्योतिष
मोहनराज बज्राचार्य
ललितपुर (भिछेबाहा)

महादीप ज्ञोयक्यगु दीपकथा

भाषानुवादकः—
परिहृत, कविराज, ज्योतिष
मोहनराज बज्राचार्य
ललितपुर, भिच्छेवहा ।

प्रकाशकः—
मन्त्रसिद्धि महाविहारया
बज्राचार्य जिनोकाजी
कान्तिपुर, ठहियी, क्वावहा ।

नेपाल सम्बत् ११०२
होलिपुन्दी

प्रथम संस्करण १०००


अन्य प्रकाशन लेखकयाके सुरक्षित

मू १।२५

मुद्रक-

मञ्जुश्री प्रिन्टिङ्ग प्रेस, इखाछें आनन्दवहा, यल ।

फोन न्याः- २१५०८



पण्डित कविराज, ज्योतिष, मोहन राज बज्राचार्य

भूमिका

थव महादीप छोयक्य धयागु ह्युधका ? ह्युयागु प्रमाणं
छोय्केगु धाःसा महादीप छोयक्य धयागुदे थवगु लहातं ६६
स्वीखुलंगु प्रमाणं तुयूगु कापः दय्का सुगन्ध तैलं लुना
थवगु आत्म भाव शरीर भाषा छोय्केगुखः महादीप छोय्का
गुलि[मत वियागुलि] छु पुण्य लाईगु न्हापा न्हापा सुनां
छोय्का वंगुदु धका धासा थव खँ सकल लोकपिसँ बांलाक
सिकेया नितिं श्री शाक्य सिंह भगवानं मैत्रेय बोधिसत्व
यात्र कना बिज्यागु धर्मरत्ना वदान [द्वाविंशति] ग्रन्थे च्वंगु
सर्वसत्त्व प्रिय दर्शन धयाम्ह बोधिसत्त्वं सूर्य विमलश्रीय
तथागतं अर्हत सम्यक संबुद्ध भगवानयात पूजा यायत
थःगु शरीर छोयका वंगु खँ हानं थनं लिपा महादिप
धका नां तया थःगु आत्म शरीर भाषा महारोगिं तुयूगु
काप यागु दीप दयका सुगन्ध तैलं लुना महादिप छोयका
वंगु थव धर्म कथा च्वया प्रकाश याना । थव धर्म कथा
सद्धर्म पुण्डरीक ग्रन्थे नं दु । ह्ला तुति छोयकेगु प्रमाण
नं दु । आः थन धर्म रत्ना वदानस च्वंगु कथा मात्र
च्वया प्रकाश याना । गनं गनं आखः तुते जूथाय अनु-
स्वार विसर्ग रेफ तुते जू थाय आखः हंका बोनी धयागु
आशायाना जुल ।

भाषानुवादक

पण्डित, ज्योतिष कविराज

मोहन राज बज्राचार्य

भिन्डेबहाल, ललितपुर ।

जिह्वा स्वर्गीय धर्म पत्नी
सेती कुमारी या शान्ति कामना व
स्मृतिस



दिवंगत
सेतीकुमारी बज्राचार्य

— चिनीकाजी बज्राचार्य

जिगु वगु नुगःखँ

दुःखमय संसार मांथागर्भे चवने वलेने मांसं नवगु,
चाकुगु, पाउँगु, फाकुगु, पालुगु, चिसवा वगु, षट्स नया
अन्धकारमय खिउस्य चङ्गु गर्भे चवना छख्यपाखे मल,
मुत्र, नओगु नतुना चवनेमागु इत्यादि गर्भे दुःख जन्म
जूसां नय, त्वन्य धायमस मांसं नकुसाजक नय खनीगु
खोयगु छगुजक वलदु छुं ज्ञान मदु । खि, चो, वयका
खिचवेलुकु दुना च्वन्यमागु इत्यादि बालख वलेनं दुःख ।
योवन वस्था (ल्यायम्ह) जुया वलसां कला, काय्,
म्हय् पित्त नकेमा, पुंकेमा, विधिव्यवहार याय्मागुलि
अनेक कष्ट नयः ज्यास धुरे जुया दुःख सिया ज्वीमागु
इत्यादि यौवनावस्थासं दुःख । वृद्धा बुढा जूसां) भतीचा
अपो नवसां अजीर्ण जुया प्वाःस्याई न्हेपनं मताईगु मिखा
त्येमलाना (मिखा हुलुया) छुं छौं स्वे मफैगु तुति
बामलाना गनंवन्य मफैगु छुं ज्यायायेगु समर्थ मदेका
सन्य मफयका चोन्यमालिगु इत्यादि दुःख ज्वीका जहान
पिने स्वेमयका अगुणि काय् म्हयाय् भौमचापिने स्वेमयका
थर बुढा गु वले सीथंधका धायका कुचायका च्वन्य मालीगु
दुःख इत्यादि जन्म जुस्यलि मृत्युपर्यन्त दुःख योपिनाप
बाया च्वन्य मालीगु मयोपि नाप व्हना च्वन्य मालीगु
दुःख मय संसारसछु याय् जिगुनुग यातः घाःपाः ज्वीक

जि स्त्री (धर्मपत्नी) तर मूल महा बिहारया वज्राचार्य
 खो केवस च्वम्ह सेति गुरुजुया भार्या लक्ष्मी कुमारी
 या प्रथम पुत्री सेती कुमारी नेपाल सम्बत् १०३८ साल
 सः जन्म जूम्ह जि स्त्री (धर्मपत्नी) प्रथम विवाहिता भार्या
 सेती कुमारी धयाम्ह थुम्ह जि स्त्रीया देवतापिंगु भक्ति
 याना मतवीगु (मतछोयक्यगुली) अत्यन्त हर्षोल्लास याना
 देवतापिंगु भक्ति यायगु श्रद्धा दुम्ह कुल धर्मे चलेयाना
 नेपाल सम्बत् ११०० शुल्कादि श्रावण कृष्ण पञ्चमी खुनु
 दिवंगत जुया वन । देव देवीपिंथाय् चैत्य मतवीगु
 [महादीप] छोयक्यगु । तुति, लाहायापचिंचाछोयक्यगु लाहा
 छोयेकेगु आपालं पुण्य दुगु खःधका सकल लोकायात सिइकेया
 कारणे थुगु दीप कथा प्रकाश याना जुल । थुगु पुण्यं
 जिस्त्री सेती कुमारी सुगति लायमाल । अस्तु ।

प्रकाशकः—

मन्यासिद्धि महा बिहारया

चिनिकाजी वज्राचार्य

कान्तिपुर, ठहीटी, कवाधहा

ॐ नमो बुद्धाय

बुद्धयात नमस्कार

मैत्रेय बोधिसत्त्व महासत्त्वं श्री शाक्यसिंह भगवान्यात नमस्कार याता थुगु प्रकारं विन्ति यात । हे भगवान् चैत्य वा बुद्ध भगवानया मूर्ति वा मत बियागु मत छोय्कागुया छु पुण्य फल लाना च्वन । थुकीयागु पुण्य फल लोकहित याय्या कारणे न्यनेगु ईच्छा जुल आज्ञा दयेका विज्याहुं धका मैत्रेय बोधिसत्त्वं विन्तियासेलिं श्री भगवान् समुक्क च्वन मैत्रेय बोधिसत्त्व आदिं सभालोकपित सःता थुगु प्रकारं आज्ञा दयेका विज्यात ।

हे मैत्रेय बोधिसत्त्व लोकयात हितयायेया कारणे गुगु कल्याण जुयाच्चंगु मत वीगु मत छोय्कागुया पुण्य जिं कने । थव धर्म कथा सुनां न्यनी, न्यना हर्ष ताया मन आनन्द याई ।

हे भिच्छुगणपिं ६१ कल्प बितेजुय । वने धुंकुगु खँ परापूर्व काले न्हापा विद्या व्यवहार विधिविधान पारंगत

जुया विज्याकम्ह लोकवित् सुगत जोडा मदुम्ह पुरुषगण
 .पनी चित्तया सारथीदेव मनुष्यया गुरु संम्यक् संबुद्ध
 विपश्ची धयाम्ह भगवान् बन्धुमती राजधानीस विज्याना
 च्वन । वसपोल बुद्ध भगवानं गन्थायूतक बुद्धकार्य यायेमाल
 अन्थायूतक बुद्धकार्य याना छोगु मि सिना वनी थ्व
 निर्वाण जुया विज्यात ।

वसपोल विपश्ची भगवान्या अन्त्येस्थि कार्य थुगु
 बन्धुवति सहरया राजां रत्नया खानी जुयाचवंगु क्वेछि
 तवजा ज्वीक चैत्य स्थापना याना वसपोलयागु शरीर
 चैत्य पूजायाना विज्यात । थुगु चैत्य पूजा याना
 भावयागु प्रभावे अनेक प्राणि लखं लख स्वर्ग प्राप्त
 जुया मोक्ष जुया बना च्वन । थ्व चैत्ये ब्राम्हण
 आदि गृहपतिपिं सकसिनं चित्र विचित्र नस्वा वगु
 स्वांमा व लावा अबीर तथा छत्रध्वज पटाका छाया
 पूजायाना च्वन ।

अथानन्तर थनंलि छगू वखते थुगु हे नगरे लाहा
 तुति हे मदया वने धुंकुम्ह गनंनं वनेगु समर्थ मदुम्ह
 महारोगि सकल लोक मोक्षलाना वनाच्वन धयागु न्यना
 थ्वया थथे मति लुल । ब्राम्हण गृहपतिपिंसां थ्व चैत्य पूजा
 याना च्वन अथेयानिति जि नं थ्व चैत्य पूजा या वने ।
 तुतिस ग्वालि मदु अनं चैत्य वनेगु सामय मदु गथे वने

धका विन्तियाम्ह थुम्ह महारोगीया बुद्धि दया वल । गध्य
 धासा थौंया रात्री थगु शरीरे गुलितक बल दत उलि
 शक्ति पिकया छेँ पिहाँ वने, सामयं फतले चाहुले (प्रदक्षिणा)
 याये धका थथे मन याना पिहाँ वल । रात्री (चान्हे)
 चन्द्रमायागु तेज निर्मल ज्वीक जाहाँ थीना चवन । तारा
 गण नं त्वइसे चवना थिना चवन । थुम्ह रोगीं थःगु शरीरे
 (म्हय्) दक्क वल शक्ति पिकया चैत्यया समीपे चिभाया
 समीपे बल जबरजस्ति थ्यंक वन । थ्व महारोगीया झारा
 पिसाव याय्गु लितां जुयेका सास ल्हाय् मफय्का भूमि
 (बैय्) गोतू वन । थनंलि थुम्ह महारोगीं थुगु विपश्चि
 भगवानयागु थुगु चैत्ये नमस्कार याना थब थमं हे ग्वारा २
 तुला चाकचाकहुला [चाचाहुहु] चच्छि तक बिते जूबले
 चछिया भित्रे सच्छि व च्याचा चाहुले सिधल ।

थनं लि थ्व महारोगीया लाहा तुती तप्यना वल थुगु
 प्रकारं पतिंचा नं तस्वाना तप्यना वया पूर्व जन्मयागु पाप
 नाश जुया शरीरे महारोग मदया शान्त जुया माहारोग
 लाया वन ।

बुद्ध भगवानयागु प्रभावं थुगु दुष्कर [कष्ट] नया
 प्रदक्षिणा यावगु पुण्यं शुद्धगु (बांलागु, शरीर जुल
 अधानन्तर थनंलि हानं थुगु चैत्य चिभाले अष्टाङ्ग प्रणाम
 याना प्रभाते सुथे) मन हर्ष याना ख्याचकंका न्हिला हर्ष

याना थगु छैँ लिहाँ बल ।

थनंलि थगु छैँ दुहाँ वन अले कलापि आदि जहानं
परिवारपिसं स्वया आश्चर्य चाया धाल अहो अश्चर्य
छ गन वना वया गथे छंगु अति कष्टगु महारोग मदया
वन महारोग लाया वन अहो भाग्य अहो कर्म मृत्युजुया
(सिना) हानं जन्म कावम्ह थ्वं न्हापाथ्ये सन्तु च्वंगु
शरीर जुल वैद्यपिसँ वास याना लागुला सुनांयाना महा-
रोग लावगु धका जहानपिसँ न्यसेंलि थुम्ह महारोगि
धाल वैद्यतयेगु वासलं छु महारोग लायेके फै । बुद्ध
भगवानयागु भक्तियानागु घर्म थ्व महारोग जुयाच्चवंगु
पाप नाश जुया महारोग नाश जुया वन धका चान्हे
ग्वारा ग्वारा तुला चैत्य प्रदक्षिणा याः वनागु पूर्व वृतान्त
थमं यानागु फुक खँ कना थनँ लि थुम्ह महारोगि हानं
वया थुगु चैत्ये १००००० लाख तक प्रदक्षिणा याना
[चाःहुल] लाख तक चाहुले धुस्येँलि थथे मति लुईकल
गुगु थ्व भगवानयाग थन थथ्य पूजायाना पूजायानागु
ज्वीला गथे धालसा थगु शरीर त्यागयाना [शरीरया
माया मकासे शरीर दोहलपा शरीर छाया जकं पूजा ज्वी
धका थुलि मतीतया थगु शरीर छोयेगु अङ्गीकारयात
अङ्गीकार याना थनंलि लय लयूपति अष्टमी चतुर्दशी
पुन्हीखुनु दछितक विधिविधानथेँ अष्टमी व्रत याना यथा
विधिथेँ पूजा यात । थथे अष्टमी व्रत यायेधुसेंलि थनंलि

कार्तिक शुक्ल पूर्णिमा अश्विनी नक्षत्र पूर्णमासि [पुन्ही] खुनु
 निसें आरम्भ याना व्रतयाना (उपासं) च्वना थःगु शरीर
 (म्ह) छोयक्य त्यन ।

थनंलि आकासं शब्द पिहाँ वया थथे धया हल ।
 थुगु प्रकारं आमथे थःगु शरीर छोयका त्यागयाये मते
 छाय् धालसा तचोगु कष्टगु ज्याः छजा सर्वसत्व प्रिय
 दर्शन बोधिसत्व थें पुरुषार्थ दुम्ह मखु, छं आम थःगु
 शरीर छोयेकेगु अङ्गिकार यायेमते । थव खँ गथे धाल
 धका धया हाकनं आकाशं धया हल । न्हापा जुया वंगु
 चन्द्र सूर्य विमल प्रभासश्रिय तथागत अईत्तु संम्यक
 संबुद्ध भगवान् जुया वन । वसपोल भगवानयात पूजा
 थवत सर्वसत्व प्रिय दर्शन धयाम्ह बोधिसत्वं थुगु प्रकारं
 सर्वरूपसं दर्शन समाधियात । थुगु समाधिया प्रभावं
 समाधिपूर्ण जुसेलि थनंलि आकाश देवतापिसं मान्दार
 व स्वां बर्बा याना बिज्यात । वखत अनुसारं वरावर सुपाय
 वया हिरामोति धनद्रव्य जल आदि श्रीखण्ड वर्षा जुल ।
 थुगु प्रकारं सर्वसत्व प्रियदर्शन बोधिसत्वं महालोक धातु
 पर्याप्त नस्वागु बासना व्याप्त याना विया बीधुंसेलि
 सर्वसत्व प्रियदर्शन बोधिसत्वं न्ह्यलं चाथें स्मृति दयेका
 थुगु समाधि संपूर्ण यात ।

समाधि पूणे याना इना थथे मती तल थुगु प्रकारं

ऋद्धि प्रतिहार्य क्यना भगवान्पूजा यानागु ज्वीमस्तु अथे
 मस्तुत थ्व धालसा थवगु शरीर हे त्याग याय् फतसा
 जकं पूजा यानागु ज्वी धका थथे मती तया थनंलि सर्वसत्व
 प्रिय दर्शन बोधिसत्त्व थुस्तुनिसैं अगुरु कुन्दुरु सिह्वायागु
 रस नया त्वना चवस्वांयागु चिकं न्हि न्हि नस्वा नस्वागु
 वस्तु नया सुगन्ध तेल (नस्वा चिकं) त्वना मिं निदें
 पर्यन्त नया त्वने धुंसेलि थुम्ह सर्वसत्व प्रियदर्शन
 बोधिसत्त्व थवगु शरीर दिव्यवस्त्रं हिना नस्वागु चिकनं
 बुला शरीर (म्ह) छोयेकल । तथागतयात पूजायाये नितिं
 सद्धर्म पुण्डरीक पूजा यायेया कारणे शरीर छोय्कलगु थुम्ह
 सर्वसत्व प्रिय दर्शन बोधिसत्त्वयागु थुगु सरीरयागु मत
 ज्वाला तेजं ८० चयेगु गंगा नदीयागु फि समान लोक
 धातु भुवन समेत प्रकट जुया खने दत ।

थुगु ८० चयेगु लोक धातुई फि समान दया च्वंपि
 तथागतपिसं साधु साधु धन्य धन्य धका प्रशंसा याना
 धया हल साधु साधु कुलपुत्र अति दुष्करगु कष्टगु
 बोधिसत्त्वया बीर्य ज्या आरंभयात थ्वथेंजागु समानगु मेगु
 छुं मदु धका तथागतपिसं प्रशंसा यात । थुगु बखतेयाम्ह
 सर्वसत्व प्रिय दर्शन धयाम्ह बोधिसत्त्व थुम्ह भैषज्यराज
 बोधिसत्त्व खः ।

थुम्ह सर्वसत्व प्रियदर्शन धयाम्ह बोधिसत्त्वयागु

शरीर १२ किनिदू तक छोया थुगु मत सिना वन । थुगु
 प्रकारं छं पुरुषार्थ व सर्वसत्त्व प्रिय दर्शन बोधिसत्त्वं थौं छं
 याये फैमखु यायेमते अथेया निति थवगु शरीरयागु रुप
 खः धका मनंभालपा थवगु शरीरयागु रुप दयेका दिव्य
 वस्त्रं हिना ६६ गुईखुलंगु प्रमाणं महादीप धका नां तया
 मतयागु माला छोयेकी मतछोयेके । थुगु प्रकारं आकाशं
 धया ६ःगु न्यना थुम्ह महारोगिं हे भगवन् छलपोल सू
 धका न्यसेंलि थुम्ह भगवानं आज्ञा जुल । छं मेपिं
 धका खनेमते जि भगवान धका भगवानं धासेंलि थुम्ह
 महारोगिं हर्षमानयाना हानं धाल । हे भगवान् जिगु
 चित्तं प्रतिज्ञा याय् धुनगु छाय् गनागु अवश्यमेव शरीर
 त्यागयाना शरीर छोयेकेगु जुल । जिगु चित्तं छोयेके
 धका अङ्गिकार याये धुन । छु धालसा छलपोलयागु
 अनुभाव थौं हे कर्म भोग याये मालगु पाप पुना वन ।
 मां नं फुकगु मखु, बौनं फुकगु मखु, ब्रम्हां फुकगु मखु,
 नारायणं फुकगु मखु, महादेवं फुकगु मखु मेपिं देवता
 पिसं फुकगु मखु छु धालसा छलपोलयागु अनुभावं पूर्व
 जन्मयागु पाप पुना महारोग लाया वन अहो गुणया
 खानीया जग्गा संपूर्ण दोष मदया वन थौं पिनागु बीजं
 थौं हे सफल जुल । अथेया कारणे हे भगवन् थःगु
 प्राण गिन्ति मयामे थवगु शरीर छोयेकेगु जुल ।

थथे धका महारोगिं धासेंलि हानं आकाशं शब्द

पिहँवल साधु साधु पुरुष छं दृढ प्रतिज्ञा यात जि
 स्वये धुन अथेसां थथे शरीर छोयेकेमते जि धयाथें या ।
 जि धयाथें यात धालसा छंगु कीर्ति संसार दतले हे
 दयाचवनि । जि मार मखु मार जूसा न्हाम्हसिगु नं
 चित्त स्यंकी । चित्तया धर्म स्यंक वै जि मार मखु छं
 जि स्वः धका आज्ञा दय्का बिज्यासेलि आकाशे स्वसेलि
 बुद्ध दर्शन लात क्षणमात्रं बुद्ध भगवानं अन्तरध्यान जुया
 दिज्यात ।

थनंलि थ्व महारोगी अति हर्ष याना प्रशन्न जुया
 सिमाय् गोतू वनीथें वें गोतुला वें चवना लाहा निपा
 बिन्तियाना नमस्कार याना चवन । नमस्कार याना हान
 आकाशे थःस्वत बुद्ध भगवान क्षणमात्रं अन्तर्ध्यान जुया
 बिज्यात । थनंलि थुम्ह महारोगि सत्य निश्चय हे स्वः
 धका निश्चय याना थःगु शरीर भापा दिव्य वस्त्र तुयुगु
 काप थःगु शरीर प्रेमाणं दयेका थुक्रिया चवे सुगन्ध
 द्रव्य तथा महादीप तच्चतं थुम्ह विपश्चि तथागतयागु
 चैत्य कार्तिक लक्षितक तच्चतं महादीप (दीपमाला)
 महादीप धकाधया छोयेकल ।

थनंलि थुम्ह महारोगी थुगु पुण्यया प्रभावं प्रणि-
 धान वलं दीपार्चिबलोक धात्वी दीपराजनाम प्रत्येक बुद्ध
 जुया जन्म जुल । पंचाभिज्ञ पद लात । थनंलि थुम्ह दीपराज

प्रत्येक बुद्ध संसार असारका सोका अनेक प्रकारया
 प्रातिहार्य कयना आकाशे न्हय्मा तायवसिमा (तालवृत्त)
 तकयाचचे थाहांविज्याना तेजया ग्वारा जुया उल्कावोई थें
 निर्वाण जुया विज्यात । गुप्त दीपराज प्रत्येक बुद्धयागु
 पित्त, श्लेष्म, ला, कषे, हि, संप्राय, अयशा दया, च्वंक
 फुकतेजे मिलेजुया शुद्ध शरीर जुया वन ।

हे भिक्षुगणपिं थुगु प्रकारया रूपं संसारे अनन्त
 सुख प्राप्त जुया निर्वाण भूमी वनी दीपशन मत छोयकागु
 मतवियागुया महा पुण्यं तधंगु धर्मफल लाभ ज्वी अनेक
 धर्म फललाई पुनर्वार हाकनं हे भिक्षुगणपिं मतछोयकागु
 मतवियागुया पुण्यफल विस्तारं न्य ।

मत छोयेकागुलिं पृथ्वि पहाडं पनाच्वंगु दूर दूर देश
 देशेसंच्वंगु खिउँस्य च्वना तोपुया च्वंगु चिकिचिकि धंगु
 वस्तु पतिं चोकाये च्वंगु पनाच्वंगु दिशानं खंगु मिखा
 जुया भगवान यात मत वियागुलिं पुण्य फललाई । तोपुया
 च्वंगु सहर नगरं खनेदै भगवान पित चाकमत छोय्का
 गुलिं तापाक च्वंगु मसीनगु चिकिचिकि धंगु खंम्ह ज्वी ।
 धका भगवानपिसं कना विज्यात वीर भगवान पिंगु दिव्य
 दृष्टीप्राप्त यायेत सुनां भगवती (देवीपिंगु) न्होने मत
 छोयकी थुगु मतछोयकागु पुण्यं निश्चयनं दको सहरें व्याप्त
 म्हः सुगत भगवान ज्वी । तापाक चिकिधंगु (मसीनगु)

पना च्वंगु खना व खंम्ह ज्वी धका भगवान् पिन्त
 मत वियागुया थजागु पुण्य फल भगवानपिसं कना
 विज्यात । सुनां मत छोयेकल थुम्ह राजा ज्वी चन्द्रमाया
 थें च्वंगु निर्वलगु शरीर जुया उफो स्वांया हः थें
 ताःहाकगु मिखा जुया थबगु लुँयाथें जागु तेजं देवतापिन्त
 देवलोक पिन्त खय्के फुम्ह ज्वी । चक्रवर्ती राजा जुया
 अत्यन्त तेजं दुगु शरीर जुया भगवान पिंगु शरीर जूम्ह
 जुइ मत वियागुलिं थजागु फुकं पुण्य फल लाई । संसारे
 भ्रमण याना च्वंपिं मनुष्यपिं उफोरवांयाथें जागु मिखा जुया
 सुन्दरगु मिखाफुसि जुया लुँयाथें च्वंगु बर्ण जुया १०००
 दोछिगां मिखा दुम्ह देवराज इन्द्र जुया दिव्य आसने
 च्वने दुम्ह ज्वी । गुगु ब्रम्हा थें वीर ज्या सया उत्तमपिं
 देवतापिसं नमस्कार याका जाज्वल्यमानगु विमाने चोना
 च्वने दुम्ह ज्वी देवतापिंगु चेत्ये मत वियागुलिं
 आपालं पुण्य फल लाना च्वन ।

थुगु प्रकारं गुण दया च्वंगु धका सीका मत
 धयागु छोयेकी १ छप्पा मात्र मत व्यूसां थुम्ह बांलागु
 शरीर जुया असंख्य बांलागु मिखा जुया मिसा मिजंतय्
 स्वये योम्ह बांलाम्ह ज्वी ।

हे भित्तुगणपिं अथेया नितिं थुगु थुगु प्रकारं मनुष्य
 (मनू) तसें आपालं न्हि न्हि पूजा यायेबले मत विया

पूजा या । थव पूजा यायेबले, भोजन याकेबले, तुति
 चायेकेबले, देवतापिंगु छें वनेबले, यनेबले थुगु, प्रकारं
 तिसा छायेबले संपूर्ण शुभ कार्य [ज्याः] खँय् मत बीगु
 प्रशंसा याना तल हाकनं थवगु चित्त शुद्ध याना बाह्य
 शुचि लौकिक शुचि याना संसारे सुनां लौकिक लोकोत्तर
 याई थुम्ह पवित्रम्ह ज्वी थुगु लोके जस लाभ जूझ जुया
 परलोके उत्तम सुख लाम्ह ज्वी । हे भिक्षुपिं थथे मत
 बियागु या धर्म पुण्य लाना च्वन धका सीकि धका श्री
 शाक्यसिंह भगवानं आज्ञा दयेका बिज्यात । इति श्री
 धर्मरत्ना वदाने दीप कथा ॥ प्रशंसा समाप्त जुल ।



- मयूर वर्ण विहारे ललितपुर पतने ।
 जि जन्म जूगु नेपाली दोछि व नीछि साल सः ॥
 वज्राचार्य कुले जन्म मोहनराज नां जिगु ।
 सिधलका थव चोयागु चेछ्दं जि दुगुबले ॥

लेखकया प्रकाश उद्यो धुंक्नुगु सफू

नेपाल भाषा

- १, शाक्यसिंहया बीर प्रतिज्ञा
- २, मंगलाष्टव स्वस्ति वाक्य भाषा टीका
- ३, संसार वृत्ति साधन
- ४, सर्वज्ञ मित्रा वदान
- ५, रूपावत्य वदान भगवान बुद्ध मिसा जुया जन्म जूगु
- ६, उपोषधा नदान-अष्टमी व्रत कथा
- ७, गोकर्णेश्वर बीतराग कथा
- ८, महादीप छोयेकेगु-दीप कथा